

Script of Morning Gojri News Bulletin 31 July 2024 at 1015Hrs

ما رنینگ گو جری نیو ز بلیٹن مو رخہ 31 جولائی 2024

یوہ آکا شوانی جموں بے محبوب سلطانی تیں خبر سُنو۔

JK Budget

لوک سبھا نے پچھلے نے پچھلے روز موجو ده مالی سال 25/2024 واسطے جموں کشمیر غا 1 لکھ 18 ہزار 3 سو 90 کروڑ غا بجٹ مانہ منظوری دے دتی ہے۔ مرکزی وزیر خزانہ نرملا سیتھا رمن نے کہیو ہے جے مرکزی حکومت جموں کشمیر پولیس غا خرچہ واسطے 12 ہزار کروڑ روپیاں غو بجٹ غو پہار وی برداشت کرے گی تا نجے مرکزی زیر انتظام جموں کشمیر مانہ زیا ده تر پیسہ ترقیاتی کماں ور خرچ کیا جا سکیں۔ وزیر خزانہ غی تقریر توں بعد جموں کشمیر غو بجٹ تے متعلقہ مختص بلاں مانہ زبانی ووٹ غے ذریعے منظور کر ليو گیو ہے۔ تاہم راجیہ سبھا مانہ جموں کشمیر غا بجٹ غے نال نال عام بجٹ ور بحث جاری ہے جے نرملا سیتھا رمن غا جواب اور راجیہ سبھا غی منظوری توں بعد یوٹی غو بجٹ منظور بو جائے گو۔ واضع رہ جے یوہ جموں کشمیر غو لگاتار 5 وو بجٹ تھو جھپڑو جموں کشمیر مانہ قانون ساز اسمبلی نہ ہون غی صورت مانہ پارلیمنٹ مانہ پیش کر غے منظوری دتی گئی ہے۔ جموں کشمیر مانہ آخری چُنی وی حکومت محبوبہ مفتی غی قیا دت مانہ پی ڈی پی تے بی جے پی غی اتحادی سرکا ر تھی جھپڑی جون 2018 مانہ بی جے پی غی طرفوں حمایت واپس لین توں بعد ٹہ گئی تھی جس توں بعد جموں کشمیر مانہ کوئی منتخب حکومت نہیں ہے۔

JK Operation

جموں کشمیر غا سرحدی ضلع پونچھ مانہ حفاظتی دستاں غی طرفوں سوموار آلی رات مشکوک حرکت دیکھن توں بعد تلاشی آپریشن شروع کیو گیو ہے۔ مہا را نمائندہ نے خبر ٹوری ہے جے ضلع غا دور دراز غا گراں مانہ 2 دہشت گرداں غی حرکت بارے سولن توں بعد علاقہ غی کہپرا بندی کر غے تلاشی کا روائی شروع کی گئی ہیں۔ اس توں علا وہ حفاظتی دستاں غی طرفوں سرنکوٹ غا سنٹی جنگل

غا کول کال آلا گرائیاں مانہہ وی تلاشی آپریشن شروع کیو گیو ہے۔ اُنگاں ضلع کشتواڑ
غا بہنگر سرور غا جنگل مانہہ حفاظتی دستاں نے تلاشی آپریشن شروع کیو ہے۔
واضع رہ جے بھارتی فوج غی طرفوں پہلاں توں ہی 4 ہزار توں متا جواناں جن مانہہ
پہاڑی علاقوں واسطے اعلیٰ تربیت یا فتنہ کمانڈر وی شامل ہیں۔ نانہہ جموں صوبہ غا
پہاڑی ضلعوں توں دہشت گردی نانہہ ختم کرن واسطے تعینات کیو گیو ہے۔ فوج غی
طرفوں یوہ قدم علاقہ مانہہ موجو د40 توں 50 غیر ملکی دہشت گرداں با رے جانکا
ری ملن توں بعد چایو گیو ہے۔ جنہاں غی طرفوں کٹھوعہ، ڈوڈہ، ریا سی، پونچھ تے راجو
ری مانہہ چھپ غے حملہ کیا گیا ہیں۔

Wayanad Landslide

کیرلہ ریا ست غا وائناڈ علاقہ مانہہ پچھلے تہاڑے وسیع پسیں پین توں ہوا نقصان
مانہہ مرن آلاں غی تعداد 135 تک پُج گئی ہے۔ تے مرن آلاں غی تعداد مانہہ مزید بابدو
بون غو خدشو وی ظاہر کیو گیو ہے۔ اس ضمن مانہہ دسیو گیو ہے جے 186 افراد خطہ
غا بکھ بکھ ہسپتالاں مانہہ زیر علاج ہیں تے تقریباً 2 سو افراد لا پتہ وی ہیں۔ اس
سلسلہ مانہہ فوج، فضائیہ، بحریہ، قدرتی آفات سنگ نمڑن واسطے قومی اتھارٹی (این
ڈی آر ایف) تیں علا وہ بکھ بکھ دوجی ایجنسیاں غی طرفوں علاقوں مانہہ بچاؤ تے
رلیف آپریشن شروع کیو گیو ہے۔ تاہم وائناڈ مانہہ 45 رلیف کیمپ لایا گیا ہیں جن مانہہ
3 ہزار 69 افراد نے رہائشی رہائش رکھی وی ہے۔ وزیر مملکت برائے اقلیتی امور نے
پچھلی رات اُت پُج غے راحت تے بچاؤ آپریشن غو جائزو لیا ہے۔ اُنہاں نے فوج تے این
ڈی آر ایف غا اعلیٰ افسراں سنگ گل بات وی کی ہے۔ ذرائع ابلاغ غا نمائنداں سنگ
گل کرتاں واں وزیر موصوف نے کہیو جے اچ توں تلاشی تے بچاؤ آپریشن نانہہ تیز کیو
جائے گو۔ اُنہاں نے دسیو جے این ڈی آر ایف غی 3 ہور ٹیم تے فوج غو ڈاک سکاڈ
وی آپریشن مانہہ شامل ہو چکو ہے۔ کیرالہ غا گو رنر عارف محمد خان تے وزیر اعلیٰ
پینا رائی وجین اچ وائناڈ غو دور وی کریں گا۔

OGW Poonch

حفاظتی دستاں غی طرفوں پچھلے روز پونچھ ضلع غا سرنکوٹ علا قہ توں حذب
المجاہدین واسطے کم کر ربیو اک شخص محمد خلیل لون نانہہ گرفتار کر ليو ہے۔
جھپڑو کہ وادی کشمیر غا ضلع بانڈی پو رہ توں تعلق رکھے، اس تیں علا وہ ضلع
پونچھ، راجو ری، کشتواڑ تے ڈوڈہ غی بکھ بکھ علا قان مانہہ تلا شی آپریشن وی شروع
کیو گیو تانجے دہشت گرداں تے اِن نانہہ مدد فراہم کرن آلاں با رے پتو لایو جا سکے۔
تاہم گرفتار کیا گیا او جی ڈبلیو کولوں اک پستول تے گو لی سکو برآمد کیو گیو۔

AC Decision

لیفٹنٹ گو رنر منوج سنہا غی زیر قیا دت منعقد ہوئی انتظامیہ کو نسل غی میٹنگ
مانہہ مغربی پا کستان غا رفیوجیاں سنگ زیا دتی نانہہ ختم کرتاں واں سرکا ری
زمین ور مالکانہ حق دین غا فیصلہ نانہہ منظوری دے دتی ہے۔ اس فیصلہ سنگ
پچھلی کئی دہائیاں توں اُن غی مانگ نانہہ پورو کر ليو گیو ہے۔ انتظامیہ کو نسل نے ربا
ئشی آراضی غا سلسلہ مانہہ 1965 غا بے گھر افراد نانہہ ملکیتی حقوق دین غی وی
منظوری دتی ہے۔ محکمہ مال رینما خطوط مانہہ مناسب تحفظات نانہہ یقینی
بناوے گو تا نجے سرکا ری اراضی ور سکی وی قسم غا غلط استعمال نانہہ روکیو
جا سکے۔ قابل ذکر ہے جے 2019 توں بعد بھارتی حکومت غی طرفوں مغربی
پاکستان غا رفیوجیاں نانہہ ڈومیسائل حقوق دتا گیا تھا۔ انتظامیہ کو نسل نے پی ایم
ڈی پی 2015 غے تحت کشمیری ما ٹیگریٹ سرکا ری ملازمین واسطے وادی کشمیر
مانہہ 6 ہزار ٹرانزٹ ربا ئش گاہ غی تعمیر تیں علا وہ بکھ بکھ جگہاں ور متعلقہ کم
کرن آلاں واسطے نظر ثانی شدہ فیصلہ نانہہ وی منظوری دتی ہے۔

JK Committee

جموں کشمیر حکومت نے پچھلے روز جموں کشمیر ہائی کورٹ غا اک سابق جج
جسٹس جنک راج کوتوال نانہہ پچھلے مہینے مرکز غا زیر انتظام جموں کشمیر مانہہ
شہری مقامی اداراں اندر دیگر پسماندہ طبقات واسطے تخصا ص با رے قائم کردہ
پینل گا سربراہ غے طور مقرر کیو ہے۔ مہارا جموں غا نامہ نگا ر نے خبر ٹوری ہے جے

ریٹائرڈ آئی اے ایس راج کمار بھگت تے شیر کشمیر یونیورسٹی آف ایگریکلچر اینڈ
ٹیکنالوجی غا سابق ڈین پروفیسر مہندر سنگھ بھڈوال وی اس غا ممبر ویں گا۔

DC Poonch

ڈپٹی کمشنر پونچھ یسین محمد چودھری نے پچھلے تہاڑے اک میٹنگ غی صدارت
کر غے سوچھتا پکھواڑہ مہم غی تیاریاں غو جائزو لیو ہے۔ یاہ مہم 1 اگست توں 15
اگست تک چلائی جائے گی۔ اس میٹنگ غے دوران ڈپٹی کمشنر نے سوچھتا پکھواڑہ
ور تفصیلی گل بات وی کی۔

اس غے نال ہی خبراں غو یوہ بلیٹن ختم ہوؤ۔